

## UTOM NNYIN NTE MME AKAMA-UKPQHORE

1 Nwede Corinth 4:1-21; 9:16-27; 2 Nwede Corinth 5:17-21; 6:1-10.

### OYQH Q UKPEP-NKPO 391

Eke Ikpọ Owo

**IKQ IBUOT:** “Nkọm owo eyom ete mme akama ukpohore edi mme anam-akpanikọ” ( 1 Nwede Corinth 4:2).

#### I. Edikama Ukpohore

1. Eyom mme akama-ukpohore edi mme anam akpanikọ mmọ eyenyuñ enam ibat ke iso Abasi, 1 Nwede Corinth 4:1-5; Luke 12:41-48; Nwede Mbon Rome 14:12; 1 Nwede Thessalonica 2:4; Titus 1:7-9; Mme Hebrew 13:17.
2. Mme akama-ukpohore enyene ndibọ ikot mmọ ke nsuhore-idem ekpedi se ededi emi ediworode ke uwem emi, 1 Nwede Corinth 4:6-21; John 16:33; Nwede Mbon Rome 12:3; 1 Peter 4:10.
3. Ikot akama-ukpohore oto ke Abasi, ndien edieke owo eyerede enye ke idaresit onyuñ odomode ndinam ke ofuri esit, ọnọ owo nsinsi utip, 1 Nwede Corinth 9:16-27; 1 Peter 5:2.

#### II. Edisaña Utom

1. Asañ-utom nnọ Christ enyene ndibem iso “ndia mme mfri”, obufa owo ke Christ, 2 Nwede Corinth 5:17-20; Nwede Mbon Ephesus 6:20; 2 Nwede Timothy 2:6.
2. Christ ọkọbọ ndutuhọ ke abañ mme idiok-nkpọ nnyin, 2 Nwede Corinth 5:21; Isaiah 53:5; Mme Hebrew 2:9; 1 Peter 2:24; 3:18.
3. Mme isuñ-utom Christ enyene ndidi mme ọkọ ukpọn, 2 Nwede Corinth 6:1, 2; Utom Mme Apostle 26:16-18; Daniel 12:3; Matthew 4:19.
4. Mme isuñ-utom enyene ndidu uwem emi ananade ndo ekpededi ke ini ọkposọn idomo, 2 Nwede Corinth 6:3-10; 4:1, 2, 8-11; Nwede Mbon Philippi 2:15; 1 Nwede Timothy 3:2-4.

### SE EKPEPDE EBAÑA

#### Ndibe Nkpọ Ke Eti-mbuk

Paul, owo-mbet ama etiñonọ Timothy, “Ido Abasi edi akwa ndibe-nkpọ; Edi Enye emi akayararede Idem Esie ke obukidem; Ewut Enye nte edinen ke Spirit; Enye owut idem ọnọ mme angel: Ekworo Enye ke otu mme idut, Ebuot idem ye Enye ke ererimbot. Emen Enye edok ke ubon” (1 Nwede Timothy 3:16). Ke akpanikọ mmọ ekedi ntọtunọ-ntọtunọ ikọ, ndien ndibe-nkpọ emi ama akabare esuene ata mme ọfiok-nkpọ owo emi ekpepe ifiok ererimbot emi toto ke mme emana. Edi mme ntọtunọ akpanikọ emi ididibeke owo akpanikọ. Jesus ama etiñonọ mme mbet Esie, “Eyak enọ mbufo ndifiok ndibe nkpọ Obio Ubon Heaven, edi (mmọ oro minimke ke akpanikọ) iyakke inọ mmọ (Matthew 13:11).

Paul ama anam ndibe nkpọ emi añwaña mbon Colossae, “Kpa ndibe-nkpọ eke okodibede toto ke eritọnọ eyo ye emana; edi ke emi Abasi ama ayarare enye ọnọ nti ikot Esie, emi Enye onyimedede ndisian mmọ uwak ubon eke odude ke ndibe nkpọ emi ke otu mme Gentile, ete Christ ke ododu ke esit mbufo nte idori-enyin ubon.” (Nwede Mbon Colossae 1:26, 27). Owo ndinyene Christ ke esit, ndimana nduk ke ubon Abasi nnyuñ nkabare ndi obufa owo ke Christ Jesus, edi ata ndibe nkpọ ọnọ mmọ emi minimke ke akpanikọ. Edi mmọ emi enimde ke akpanikọ, ebọ Spirit emi akabare edi nkpọ emi ọkpuhorede uwem mmọ, onyuñ okpohore ebiet emi ukpọn mmọ okpodude ke nsinsi.

#### Edinam Utom Eti-mbuk

Sia utibe ukpohore odudu Eti-mbuk odukde ke esit owo adade ntọtunọ ifiok emi edi, nso ndien edi utom enye emi ekotde ete edi andikworo Eti-mbuk, mme nte ukpep-nkpọ etiñde, “Akama ukpohore ndibe nkpọ Abasi?” Ikot emi okponde akan emi iduhe, ikot Abasi efen emi enyenede udori ntre iduhe, iduhe utom efen emi okponde akan utom akama-ukpohore ke Eti-mbuk Jesus Christ. Ke ndikere oruk akwa idaha ikot oro, nte edi nkpọ mkpaidem ke emi Paul ọdohode ete, nkọm owo eyom mme akama-ukpohore edi mme anam akpanikọ? Edinam akpanikọ esie ke ndikworo akpanikọ ke idak ediyet aran ke spirit, edinam akpanikọ esie ke ndidu edisana uwem nnyuñ nsọnọ nda nte eti anditiene-Christ, edi se idade ukpọn owo

Abasi isim nsinsi uwem. Edi utom esie, idighe nditiñ nño mme owo mbaña Jesus ye odudu erinyaña Esie ikpõñ-ikpõñ, edi ndidi odu uwem uwut-ñkpõ ke mfõn emi òkpuhõrede owo emi odude ke Eti-mbuk Jesus Christ (Kot Ñwed Mbon Rome 10:14).

Edikama ukpõhõre emi idighe utom emi ebõde eto ke ukpep-ñwed, mme akwa idaha ifiõk emi ebõde ke ufõk-ñwed nta ifiõk, edi oto Abasi onyuñ edi edisana ikot. Òkwõrõ-ikõ emi anamde akpanikõ ada ke ufõt mme odu-uwem ye mme akpa-mkpa nte anditie ubiõñ nño anana-ntõñõ ye anana-utit, nsinsi odu-uwem Abasi, anana ndo, edi enyene mbõm, ye nsinsi ima. Edi utom esie ndida mme owo ñwut Christ, okposuk edi nte etiede nte uyo emi owo mikopke ke Akai-ikõt. Enye enyene ndisua nño, aduari, onyuñõnõ item ye kpukpru anyan ime ke ikõ Abasi. Ke ndinam emi òkwõrõ-ikõ enyene “ndibem iso ndia mbuñwum” ndien enye enyene ndinam ñwut onyuñ ayarare akpanikõ oro ke edu-uwem esie, edisana ido esie ye ido Abasi, uwem edibõñ akam esie, ye nte enye miyomke ufõn idem esie ikpõñ ke utom Abasi ye eke owo.

### **Ibat Utom Akama-Ukpõhõre**

Sia ikot edikama ukpõhõre emi otode Abasi, òkwõrõ-ikõ anam utom õnõ Abasi nnen-nnen. Paul òdõhõ ete, “Andidomo mi edi Òbõñ”. Nte ededi, akpanikõ emi idaha unen inõ òkwõrõ-ikõ ndikoññkan ikõt Abasi, mme ndikabare ñkara ke ufik. Mme òkwõrõ-ikõ Abasi enyene ndisaña ke nsuhõre-idem ye Abasi ofuri-ofuri koro mmõ edi mme akama-ukpõhõre ndibe ñkpõ Abasi, ndien Abasi eyekot mmõ edinam ibat utom mmõ.

Paul õnõ item ñko ete ke owo ndidi òkwõrõ-ikõ ke Eti-mbuk onim owo ke ata ñwõrõ akpatre itie. Enye ama etiñ ete, “Koro osuk etie mi nte Abasi okosiode nnyin, mme Mbet, onim nte ukperedem ndise nte owo mkpa: koro ema enam nnyin ikabare idi ñkpõ ndise inõ ererimbot ye mme angel ye owo. Nnyin idi ndisime kabaña Christ”. Koro mmõ ekekõrõde ndibe-ñkpõ emi, mme owo ekeda ukwõrõ-ikõ ye edinam mmõ ke usuñ efen, ndien oro onyuñ ada òkpõsõñ ukõbõ õsõk mmõ, edi mme ñkpõ emi ikenamke mmõ esiñere ke idaha. Mmõ ekenyene ndisõñõ nda ke akpanikõ nnyuñ nsaña ke nsuhõre-idem ye Abasi mmõ.

Se etiñde mi ebaña mme òkwõrõ-ikõ ke Eti-mbuk nte mmõ edide mme akama-ukpõhõre ekeme nditiñ nte mbaña mme anditiene-Christ. Kpukpru mme anditiene-Christ enyene mme enõ ye saña-saña ikot emi Abasi oyomde mmõ enam ke mbuõtidem. “Koro Abasi mituaha mkpõfiõk ibaña enõ ye ikot Esie”

Jesus ama otõp ñke abaña ndinõ nditõ ufõk Esie mme talent; “Ndien Enye õnõ owo kiet talent ition, õnõ owo efen iba, õnõ owo efen kiet; nte ukeme esie edide”. Òbõñ ama õfiõk ukeme owo kiet kiet, ikonyuñ iyomke ito enye se ikponde ikan nte ukeme esie edide. Owo iba ke otu nditõ ufõk emi ema enam ubiõñ utom mmõ ke ofuri esit, enyuñ enyene udori ke talent mmõ; ndien ke ini Òbõñ õnyõñde edi ndibat ibat ye mmõ, ñwõrõ-nda itoro kiet emi mmõ ekebõde ekedi ke mmõ ema enam akpanikõ. Eyen ufõk kiet ikodorike baba ñkpõ kiet ke talent esie, koro enye okodipde eke esie ke isõñ. Enye ama ada kpa talent emi òkõbõde edi; ema etim enim enye, edi ikadaha enye inam utom ndinam enye õtõt onyuñ awak. Ibõrõ ekedi ke ema ebõ enye talent kiet oro, enyuñ etõp enye eduõk ke ekim ke aña; do ke eritua eyet ye erita edet eyedu (Matthew 25:14-30).

Inaha nte, edieke anditiene-Christ amade enye anam utom õnõ Òbõñ, edi enõnõ enye uyo ndinam. “Idighe mbufo ekemek Mi, edi Ami ñkemek mbufo nnyuñ nnim nte mbufo eka ekeñwum mfri, mfri mbufo okponyuñ osuk odu”.

Jesus edi andikpon ñkan ke otu kpukpru mme akama-ukpõhõre ndien uwut-ñkpõ Esie edi ata ñwõrõ-nda ñkan. Enye edi akwa Ekpemerõñ. Enye ikedighe ndiwuk ukara Esie ke isõñ, edi Enye okosuk ibuot ofuri-ofuri õnõ Ete Esie emi odude ke Heaven. Enye ama òdõhõ ete ke Imõ ikedighe man inam uduak idem imõ, edi man inam uduak Andidõñ imõ. Mbubehe Esie ekedi ke abaña mme owo emi Enye ekedide ndinam utom nño mmõ. Enye ama òkõk mbon udõñõ; Enye ama õbõp mmõ eke esit mmõ obuñõde; Enye ama ama mme anam-idiõk onyuñ õnõ mbuot-ekõñ uwõrõ ufin. Enye ama ada uñwana õsõk mmõ emi edude ke ekim, ndien ke akpatre Enye ama ayak uwem Esie õnõ ke abaña mme erõñ Esie.

### **Mme Andika Ke Ibuot Christ**

Se ñwed ukabare ikõ okõde andika ke ibuot Christ edi: “Owo emi osimde ata akwa idaha ke ibuot utom ukara, emi ukara mme edidem esie osiode òdõñ utom õnõ ukara mme edidem efen”. Itie isuñ-utom edi ñkpon-ñkan idaha emi owo ekededi ekemedede ndinyene ke esen idut; ke nditim ntiñ enye anam ñkpõ ekededi ke ibuot andikpon ñkan ke ukara obio esie. Edi kpasuk nte ye kpukpru mme anditiene-Christ. “Ntem edieke owo odude ke Christ, ema ebõ enye obufa; ñkani ñkpõ ema ebe efep: sese emekabare edi mbufa”. Ekabare ebõ enye obufa. Enye edi eyen obufa obio. Heaven edi obio esie. Ke enye osuk odude ke isõñ emi enye edi asaña-isañ, etie ke ibuot õnõ ata Obio emana esie, oro edi Heaven.

### **Utom Owo Emi Esiode Edõñ**

Ke ndidi eti asañ-utom nno Christ owo enyene ndibem iso nnam emem ye Abasi ebe ke Jesus Christ; eda enye efiak eduk ke mfon ye ebuana ke Abasi emi okosopde oto ke idiok-nkpọ. Ke enye edide obufa owo onyũ enyenede iduñ esie ke Obio Uboñ Abasi, udon esie owuhọ ke mme nkpọ enyon; edi ke ini enye odude mi ke ison isuñ-utom akpaniko enyene mbiomo mfighe ke abañ mme ukpon efen, mme ukpon emi etakde ke ntak idiok-nkpọ nte emi enye ekedide ini kiet. Utom isuñ-utom emi idighe ndidi eti uwut-nkpọ nno obio esie ikpon-ikpon, edi nko ndidi anam-utom oto kiet ye Christ ke ndiko mme ukpon, nno Obio Uboñ Abasi. Enye, nte isuñ-utom anam utom ke ibuot Abasi, oyoyom mme owo ndinam emem ye Abasi.

Paul, owo-mbet, nte eti uwut-nkpọ isuñ-utom, ono ata akpan ntak ndinam emem ye Abasi. Enye ama odohọ ete Christ emi mikofioke idiok-nkpọ akabare edi idiok-nkpọ ke ntak nnyin; man nnyin ikabare idi edinen ido Abasi ke Enye. Jesus Christ ke idem Esie ama akabare edi Eyen Eroñ Uwa nnyin; Enye ama akabare ada itie nnyin. Ke ndot-ndot kros ke Calvary Enye okobọ ndutuhọ onyũ akpa, idighe ke idiok-nkpọ Idem Esie: koro enye ekedi Eyen Abasi emi mikenyenekenke idiok-nkpọ: edi Enye okobiom idiok-nkpọ nnyin ke Idem Esie onyũ ekpe enyene-ndik ekom-urua oro oyohọ-oyohọ.

Mbet oro nko owut usuñ ye idaha nte ekpenyikde mme anam-idiok man ekabare etiene nsinsi edima Andinyaña; ini edi emi, koro “Sese, ini mfon-ido mi; Sese, usen erinyaña mi”. Enye ama eneñere ofioke ete enwonọ iduhe ino mkpon.

Nso ikot efen okpon akan ndibiat ekpri ibat isua emi owo enyenede ke ererimbot emi emi nte isuñ-utom akpaniko nno Abasi? Nso ikeme ndidi nsin ifik emi enyenede ukpono akan ndiñwana nda mme ukpon nsio ke nsinsi nsobo nnyũ nkut nte mmọ esañade ke edisana usuñ emi osimde Heaven? O, ediwak owo ekpekam eyere ikot emi okponde akan kpukpru mme ikot! Jesus ama odohọ ete: “Ke akpaniko idok okpon, edi mme anam-utom iwakke. Ebeñe ndien Enyene idok ete, Enye osio mme anam-utom odon edi ke idok Esie” (Matthew 9:37, 38).

#### **MME MBUME**

1. Ke nso usuñ ke anditiene-Christ edi akama ukpohore ono Abasi?
2. Nso edi ntak emi eyomde mme akama-ukpohore edi mme anam akpaniko?
3. Mme akama-ukpohore edinam ibat eno anie?
4. Siak mme eno emi Oboñ oyomde ida inam utom nte mme akama-ukpohore?
5. Iko Paul okoworo didie ke emi enye okodohode ete ke imo ima ikabare idi kpukpru nkpọ ino kpukpru owo?
6. Tiñ se anditiene-Christ oworo nte nnyin ibode ke ukpep-nkpọ emi?
7. Nam añwaña nte edade anditiene-Christ edomo ye isuñ-utom.
8. Ke nso usuñ ke anam-idiok ekeme ndikabare mkpe emem ye Abasi?
9. Ewe edi eti ini ndibọ erinyaña?